

渭南文集卷第一

山陰陸游務觀

綫裝書局

表

天申節賀表

化國之日舒以長運啓千齡之盛天子有父
尊之至心均萬寓之驩敢即昌期虔申壽祝
恭惟 大任 繼愈 署簽



宋集珍本叢刊

第四十七册

靈承于上帝臣方馳使傳阻繳朝班望拜表

四川大學古籍整理研究所 編

儒藏系列

宋集珍本叢刊

第四十七冊

任繼愈署簽



綫裝書局

中國·北京二〇〇四年

第四十七冊目錄

放翁先生劍南詩藁(續)	陸游	一	
渭南文集	宋嘉定刻本	陸游	四七
渭南文集	明正德刻本	陸游	三七九
精選陸放翁詩集	明嘉靖刻本	陸游	七六九
前集(澗谷精選陸放翁詩集)	羅椅編選	七六九	

放翁先生劍南詩藁卷第五十八

老馬

貧家畜老馬枯萁風雨噍本非百金產安用三品料
馬固忘華甌士亦安蓬藿兩窮道相遭萬事付一笑
少游御款段作計無此妙可憐杜陵翁妄想追風驃

大熱

五月頗悶雨炎風吹旱塵氣羸不給喘流汗沾衣巾
呼婢使具浴報以未買薪汝事雖不恪亦坐乃翁貧
汲井掬寒泉自足忘我嗔譬如寓逆旅百事聽主人

大雨

放翁先生劍南詩藁

卷五十八

宋集珍
本叢刊

今年景氣佳有禱神必答時時雖悶雨顧盼即露洽
絲地千里間四月秋盡插季夏兩三日凄爽欲忘筮
渚水如塞河決水如放閘几席亂蛙黽庭除泳鵝鴨
舍邊魚受釣戶外鷗可狎飛螢最得意終夕自開闔
蕭蕭欲蒲聲恍若舡入夾嗟予亦耐事堅坐書滿榻
懸知糶種收已足供伏臘會約張志和清風泛茗雲

午睡

梅黃雨足喜初晴投枕華胥夢已成帳底香雲凝未
散手中書卷墮無聲篔簹似水飛蠅避鼻息如雷稚
子驚癡腹便便竟何有已將嘲弄付諸生

書意

疎慵久已卜郊扉暫出人間輒免歸梵志放花常恨
晚士師分度又成非平生舊學寧當負同志良箴亦
重違說與吾兒勤念此負禾勿恨露沾衣

卜居三山已四十年矣暇日有感聊賦五
字二首

薄官非初志幽居不計年稗松成偃蓋小豎亦華顛
生理憑耕稼光陰付醉眠從來慕園綺一著要爭先
泥古衰猶學開荒夜亦耕屋芟生草蓋金撚野蔬烹
白稻雨中熟黃鸝桑下鳴殘雲忽吐日喜對小牕明

放翁先生劍南詩藁

卷五十八

宋集珍
本叢刊

北牕

北牕無俗物三伏有餘涼玉塵消長日風漪可一床
盞分新作茗爐撥欲殘香却岸紗巾去愴然野水傍
睡起已亭午終日涼甚有賦

飯罷頽然付一牀曠懷真足傲羲皇松棚盡日常如
暮荷沼無風亦自香倚杖月生人影瘦岸巾露透髮
根涼頗聞王放徂征近敷水條山興已狂

殘雨

五更殘雨滴簷頭探借天公一月秋只道風吹雲散
盡數聲桑下又鳴鳩

溪上避暑二首

暮年事業轉悠悠，盡日投竿杜若洲。世上漫言天愛酒，古來寧有地埋憂。全家只合雲山老，萬事空驚歲月道。梳帶脫冠猶病暈，正平頗憶著岑牟。短髮颺颺徹頂涼，悠悠隨處據胡牀。但憐鶴影翻殘月，不恨蟬聲送夕陽。門巷陰陰桐葉暗，汀洲漠漠藕花香。寓形宇內終煩促，安得騎鯨下大荒。

龜堂避暑

縹渺紗幮覆象牀，蠻童擎粥進黃梁。硯池湛湛一泓墨，衣焙霏霏半篆香。圍扇題詩無滯思，清泉灑地有

放翁先生劍南詩集

卷五十八

三

宋集珍本叢刊

餘涼更。須風伯開雲陣，準擬今宵月滿廊。

旅舍偶題

野店山橋策蹇驢，浩然聊喜逐吾初。童顏幾歲已辭鏡，胎髮今朝還入梳。小瓮漫營秋社酒，斷編閑理小年書。白雲可笑猶多事，常向人間耐卷舒。

溪月

天風吹髮冷颼颼，獨向沙邊上釣舟。愁絕平菴江上月，向人依舊半輪秋。

砭愚

儲藥如丘壘，人愚未易醫。信書安用盡，見事可憐遲。

錯自彈冠日，憂從識字時。今朝北牕臥，句句味陶詩。

雜興絕句十首

早遇齊侯遊柏寢，晚從漢帝祀甘泉。不須苦學飛騰術，更看泥金檢玉年。

南山手自斲蒼苔，竹閣柴扉次第開。二十里間雲不斷，豈容一點市塵來。

靈府寧容一物侵，此身只合老山林。何由挽得銀河水，淨洗群生忿慾心。

赤米熟炊元自軟，黃齏頻倒鞮。不多酸縱冷酒，尋常債也勝人求。本分官。

放翁先生劍南詩集

卷五十八

四

宋集珍本叢刊

冰壺冷浸玉芙蓉，三伏炎蒸一點無。淨洗硯池澗墨，潘乘涼要答故人書。

硯傳百歲壘，闕角筆擅一時錐。出囊子所用硯百年前物一角微闕筆妙蘇能蘇軾能紙欲窮時瘦蛟舉，已看雷雨踏蒼茫。蘇軾能

扁舟夜載石帆月，雙履曉穿天柱雲。八十老翁能辦此，不須身將渡遼軍。謂李助

犀象本安山海遠，極柵豈願棟梁材。伏波病困壺頭日，應有嚴光入夢來。

粟無人餽方差快，門有僧敲未絕幽。豈是菴荒深絕物，從來不慣惹閑愁。

隕轉揚墨寧非學治獄行兵亦有師惟是儒生知擇術百年窮達守書詩

病瘡兩作而愈

久出天魔境胡爲瘡鬼來亦知無妄疾畢竟不爲災引睡須書卷支羸賴粥杯微風起秋色罇酒亦時開

露坐

略約方塘北簣簣小塹東荷盤傾夕露芙蓉坼秋風磔磔禽移樹芒芒月墮空詩材隨處足盡付苦吟中

戲詠

歲曆還逾半人生但可悲此身猶老健隨處且兒嬉

放翁先生劍南詩藁

卷五十八

五

宋集珍
本叢刊

累瓦初成塔埋盆又作池惟應上庭樹不及鬢髦時

初秋書感

流年冉冉不容追餘息厭厭只自知馬塋裹尸遠壯志鹿門采藥下幽期林蟬委蛻僊何遠巢燕成雛去已遲觸事爾來多感繫北牕閑賦早秋詩

湖上

石帆山下舊苔磯回首平生念念非秋早明河低接池夜深白露冷侵衣風生古戍笳爭發月過橫塘鵲獨飛却看官途傾奪地恍然敗將脫重圍

枕上

紗幘竹簟不勝清卧看殘缸響復明兩樹梧桐鳴急雨一林鸚鵡噪踈更靜無狂蝶妨幽夢懶有群鷗責舊盟待旦欲尋梅市路小舟先向步頭橫

書懷

無事自能心太平有爲終蔽性光明皮膚脫盡見真理梁肉掃空甘菜羹處處浮家成野宿時時策蹇作山行平生常笑羊裘老史冊猶存後世名

游昭牛園

游昭木石師李唐畫牛乃自其所長出欄初聽一聲笛意氣已無千頃荒客居京口老益困衣不揜脛髮

放翁先生劍南詩藁

卷五十八

六

宋集珍
本叢刊

眉蒼時時弄筆眼力健蹠角毛骨分毫芒我無沙隄金絡馬拂拭此幅喜欲狂乞骸幸蒙優詔許置身忽在煙林傍日落飲牛水蒲塘夜半飯牛天兩霜狸醫灌藥美水草老巫訶禁拔不祥願我孫子勤農桑願汝生犢筋脉強確磬驚破五更夢歲負玉粒輸官倉

唐希雅雪鷓

烈風大雪吞江湖巨木摧折竹葦枯烏鳶瑟縮墮地死豈復能顧卻與雛棘枝拔出亂石罅凜凜生氣獨有餘耐寒雨鷓亦異稟羽族有此山澤癯神凝氣勁中自足不待晴日相鳴呼深知畫手亦怪偉用意直

刮造化爐醜毛錐細八翻健落筆豈獨今所無我評
此畫如奇書顏筋柳骨追歐虞

菖蒲

鴈山菖蒲崑山石陳叟持來尉幽寂寸根麇密九節
瘦一拳突兀千金直清泉碧岳相發揮高僧野人動
顏色盆山蒼然日在眼此物一來俱掃迹根蟠葉茂
看愈好向來恨不相從早所嗟我亦飽風霜養氣無
功日衰槁

吾廬東北皆脩竹茂木羽族來栖者不可
數計感而有作

放翁先生劍南詩藁

卷五十八

七 宋集珍
本叢刊

逸舍皆茂林萬數栖鳥爵詰且輒爭鳴未暇紛已泊
清陰交欲暗丹竇孰可啄吾廬少人迹媿爾肯見託
雖無惠養德亦免彈射厓結巢俯可窺淳風今豈薄

秋夜聞蘭亭天章寺鐘

絕湖上蘭亭不過一炊頃湖廢綠隄行往返常畢景
猶有古寺鐘迢迢下重嶺煙雲含莽蒼風露共淒冷
蕭然草堂臥度此清夜永百念一洗空於焉發深省

閔雨

歲秋固多雨每恨不及時黃塵蔽赤日苗槁已不遲
踏車聲如雷力盡真何為天豈不念民雲族風散之

窮民守稼泣便恐化棘茨妻子不望活所懼尊老飢
我願上天仁顧哀民語悲鞭龍起風霆尚繼豐年詩

杖行短歌次前輩韻

風吹短衣雙鬢白老人徒步歸鄉國數樹丹楓野店
西一川紅蓼溪橋北芒屨有賣百無憂過盡青山到
渡頭更求款段真多事堪笑當年馬少游

江樓次前輩韻

一日千回上庭樹城南尚記嬉遊處俯仰人間八十
年鏡中未許朱顏去甲第侵雲多貴人朝回撲帽軟
紅塵江樓月夜吹長笛誰似儂家不負身

放翁先生劍南詩藁

卷五十八

八 宋集珍
本叢刊

七月四日夜賦

樓角西南月一鈞晚瓜落勺酒新篔簹家又愴銀河
別太史新班玉曆秋衰病歲時良冉冉窮愁身世轉
悠悠莫因乞巧嘲兒女我亦飄然水上浮

出近村歸偶作

朝騎小蹇涉煙村擁路爭看八十身似我猶為一好
漢問君曾見幾閑人楊梅綠紫開園晚蓴菜絲長入
市新莫笑堅頑推不倒天教日日享常珍

送子脩入閩

士生萬里合鵬搏憔悴青衫且自寬薄祿及親雖共

喜遠途將父亦誠難關山可厭風塵惡蓬華應思菽
水歡只道耄年心似鐵詩成也作鼻辛酸

書志

飲水蕭然卧曲肱桑村麥野醉騰騰老身長子知無
憾泛宅浮家苦未能南畝服勞勝乞食腐儒垂死耻
依僧柴荆常閉斜陽裏詠雖聞亦嬾磨

秋雨

雨聲疎復密窻影暗還明赤米香炊飯青蔬淡齋羹
關中長棊格病後減詩情惟有桑麻事鄰翁與細評

雨後涼甚

放翁先生劍南詩藁

卷五十八

九 宋集珍
本叢刊

並海寬間野清秋搖落天微涼供美睡穩字入新聯
屋蕭蕭雨脩筒細細泉晚牕生酒興洗酌一陶然

屏迹二首

屏迹亂山中觀身槁木同桑麻安舊業薪水付村童
不散嬰兒撲常存太古風一錢無用處那復計囊空
飯熟起開鉢困來徐倒床無狂安取聖有短始知長
養道褐懷玉露才雖出囊聊須喚兒稚細細話耕桑

書事絕句四首

聞道輿圖次第還黃河依舊抱潼關會當小駐平戎
帳饒益南亭看華山饒益寺南亭盡得太平之勝

關中父老望王師想見壺漿滿路時寂寞西溪衰草
裏斷碑猶有少陵詩華州西溪即老杜所謂郭隰亭子者

鳴綠桑乾盡漢天傳烽自合過祁連功名在子何殊
我惟恨無人快著鞭

九天清蹕響春雷百萬鞬韝扈駕回不獨兩師先洒
道汴流袞袞入淮來

雨後

雨後涼生病體輕閑拖拄杖出門行槐花落盡桐陰
薄時有殘蟬一兩聲

幽居

放翁先生劍南詩藁

卷五十八

十 宋集珍
本叢刊

早歲猶竒怪中年痛掃除華堂棋陸廢名馬宴遊疎
散帙身忘倦睡疏手自鉏寥寥千載後誰此訪幽居

書事

北征談笑取關河盟府何人策戰多掃盡煙塵歸鐵
馬窮空荆棘出銅駝史臣歷紀平戎策壯士選傳入
塞歌自笑書生無寸效十年枉是枕琬戈

秋夜感遇十首以孤村一犬吠殘月幾人行爲韻

月生東山口宿鳥驚相呼我起立蒼茫况在白玉壺
飢鷓掠危巢大魚躍平湖作意賦新詩佳夕不可孤

今日天氣佳，駕言適山村。種枳作短籬，疊石成高垣。
牲酒賽秋社，蕭鼓迎新婚。所願在仕者，努力蘇元元。
長康有三絕，吾獨得其一。寓世八十年，一癡萬事畢。
世間所謂黠，正類禪中蟲。輝湯會有時，爲計誰得失。
我夢遊異境，烏帽踈小蹇。桑麻夾阡陌，山川曠何遠。
俗有太古風，蕭散到雞犬。鍾鳴忽驚覺，所造恨猶淺。
竭作朝築陂，獨勞暮鋤菜。草煙欄犢卧，舡響籬犬吠。
殘年迫耄及，農事不敢廢。兒曹強學餘，努力事春碓。
頌曆如昨日，俯仰芳歲殘。蝸蝓方鳴秋，砧杵已戒寒。
書生賦子薄，何適不艱難。梁肉固所美，食淡心始安。

放翁先生劍南詩集

卷五十八

十一

宋集珍
本叢刊

前年蒙趣召渡江，當六月。顧慙衰病，軀觸熱朝行。關
君恩雖屢下，恐懼乞骸骨。飄然返柴荆，所媿已黔突。
畏首復畏尾，吾身其餘幾。雖云食不足，健決豈不偉。
蓬窻對親舊，情話來塵壘。何以永今朝，沽酒刺園豨。
昔遇高皇帝，同朝多偉人。哀哉逝不留，君蒿返蒼
旻。存者纔一二，相望不得親。秋風聞鴈過，老淚霑衣巾。
唐虞治魏魏，洙泗道益明。豈知秦漢後，佛老起縱橫。
詩書雖僅存，韶護無遺聲。書生幸有聞，未死猶力行。

草書歌

吾盛死在水中，訖車馬喧器那到耳。一堂脩然卧虛

蟬聲未斷，蟲聲起。有時寓意筆硯間，跌宕奔騰作
談詭。徂徠松盡玉池墨，雲夢澤乾蟾滴水。心空萬象
擬寸毫，睥睨醉僧窺長史。聯翩昏鴉斜，著壁齧蝕瘦
蛟蟠入紙。神馳意造起雷兩，坐覺乾坤真一洗。小兒
勸我當自珍，勿爲門生書禁几。

自傲

牛解謹藏刀，羊亡密捕牢。達人憂祿厚，奇駝出名高。
所要懷全璧，寧當耻緼袍。世間俱辭芥，何事苦爬搔。

新秋二首

遠浦平郊弄夕霏，曲籬幽徑蝶秋暉。馴麀巧占蒼苔

放翁先生劍南詩集

卷五十八

十二

宋集珍
本叢刊

卧驚鵲斜穿密篠飛，浴罷小軒成美睡。雨餘老火歛
餘威，未言風月供詩思。汗憤塵衣且解圍，
蟬聲滿院送流年。又見秋風到海邊，舊友死來頻入
夢。新詩愁絕少成篇，步頭野水雙飛鷺。鷺林外人家一
點煙，顧影自驚如許瘦。囊空無藥起沉痾。

憫俗

蚩蚩之氓不自覺，顧笑吾曹安淡薄。携女數千行，問
法腰錢鉅萬仍騎鶴。豈知此事不兩得，芻豢何可參
毒藥。野狐出林作百態，擊下髑髏渠自忤。老氏五千
本清靜，揚雄太玄惟寂寞。但能於此尊，所聞萬卷丹

經盡糟粕

塊坐齋中有感

敗席凝塵翊拂除况能作意去庭蕪讀書眼力衰難
強對酒心情薄欲無野寺鍾魚思下檐山郵鞍馱憶
登途頽然坐睡誰驚覺寂寞西隄日又哺

新涼示子適時子適將有臨安之行

竹簟紗幘事已非秋清初換熟練衣鵲驚山月栖還
起螢避溪風墮又飛老眼漸昏書懶讀壯心雖在事
多違夜隄剩欲挑燈語日倚柴門望汝歸

秋雨二首

放翁先生劍南詩集

卷五十八

十三

宋集珍
本叢刊

毒熱秋未衰吾廬况淺迫雖云日一浴流汗沾衣憤
蕭蕭三日雨出此炮烙厄瀟湘應更佳恨我無六翮
吾廬多美蔭最茂楸與梧百鳥集其間下上更嗚呼
秋風忽動地搖落日日踈何如澗底松終歲無榮枯

講學

遷善以美身講學以盡性能為可行爾用舍固有命
天方斲斯文魯叟虛歷聘黎元則可哀窮死吾何病

野興四首

來日無多去日適朱顏那肯為人留簷聲點滴無時
雨野氣蒼茫極目秋朝出釣魚來北渚夜耕驅犢上

西疇此心所要常無媿寂寞衡門死即休

江湖蕭散葛天民救放還山一幅巾老去飢羸惟恃
粥病來舉動每須人道窮舉世知心少學進吾兒著
語親更有一端差自慰短檠不作白頭新

早見 高皇宇宙新老年猶作太平民虛名僅可欺
橫目顛論曾經犯逆鱗原野暮雲低欲雨陂湖秋水
浩無津蕭條生計君無笑一鉢蒸羹敵八珍

飽見人間行路難暫陪鷓鴣驚意先閑集僊院裏三題
石神武門前兩掛冠飢卧了無千里志倦飛元怯九
霄寒客來莫笑蓬陔陋若比巢居已太寬

放翁先生劍南詩集

卷五十八

十四

宋集珍
本叢刊

示元敏

學問參千古工夫始一經寧論緩若若且喜佩青青汝
業方當進吾言要細聽仍須知稼穡勉為 國添丁

八月四日夜夢中作

太華巉巖敷水長白驢依舊繫斜陽山深乳洞藥爐
冷花發雲房醅瓮香鄰叟一樽迎谷口蠻童三髻拜
溪傍中原俯仰成今古物外自閑人自忙

明日復理夢中意作

白盡鬚鬚兩頰紅頽然自以放翁客從謝事歸時
散詩到無人愛處工高掛蒲帆上黃鶴獨吹銅笛過

垂虹閑人浪迹由來事那計猿驚蕙帳空

又明日復作長句自規

大學淵源不易窮古人立志自童蒙醉猶溫克方成
德夢亦齋莊始見功痛哭孰能悲陷溺力行猶足變
雕蟲太空雲翳終當散吾道常如日正中

示子孫

累葉爲儒業不墮定知賢傑有生時學須造次常於
是道豈須史或可離我老已無明日計心存猶惜寸
陰移龜龜夫子雖天縱禮樂官名盡有師

秋夕

放翁先生劍南詩集

卷五十八

十五

宋集珍
本業刊

承學雖云淺初心敢自輕飄零爲祿仕蹭蹬得詩名
撫事悲長劔懷人感短檠不堪秋雨夕鼓角下高城

但歲

但歲風煙慘幽居市井遙甌香炊薏米泉潔煮苦苗
野廟迎神晚村舡過埭罨西牕一樽酒亦足慰無聊

村居遣興三首

追數交朋略散亡臂尋足蹇固其常一年又見秋風
至孤夢潛隨夜漏長不辦誦書如倚相頗能噉飯勝
張蒼回看薄官成何味只借朝衫作戲場

萬里征途興已闌三間破屋住猶寬山薑著雨房重

欽南燭先霜實半丹野市秋陰更蕭瑟書生老瘦轉
酸寒掩關也有消愁處一卷騷經醉後看

野堂踈豁近江皋喜見南山秋氣高野外漸寒群木
脫草根薄暮百蟲號築陂濬畎更相勉伐荻剥桑敢
愛勞亦念耄荒當自佚欲將世業付兒曹

甲子秋八月偶思出遊往往累日不能歸

或遠至傍縣凡得絕句十有二首雜錄入

彙中亦不復詮次也

齧雪猶能活窖中僮牛亦可隱牆東來歸里社當知
幸萬卷書邊一老翁

放翁先生劍南詩集

卷五十八

十六

宋集珍
本業刊

小兒緣天摘列宿老子含飴弄穉孫郊居得此豈不
樂無奈催租人打門

早携書劔三隨計晚辱弓旌四造朝心媿石帆山下
叟一生不識浙江潮

筋骸未發寧爲老煙火猶通豈是貧時跨一驢
去困丁野老盡相親

著囊藥笈每隨身問病求占日日新向道不能渠豈

信隨且酬答免違人

藥麤野老偏稱効詩淺山僧妄謂工懷甌裏茶來問

訊不妨一笑寂寥中

放翁先生劍南詩彙卷第五十九

遊山

四序雖悉佳莫若新秋時已脫烹煮厄未興搖落悲
鷺集水落渚鵲爭風墮枝煙村烏曰丹晚日望最奇
豈無一舸艇往赴幽人期婆娑下堂迎壞衲顛倒披
丹果垂中庭碧花蔓踈籬秋高財一來怪我今年衰

對酒

天上何曾許寄愁酒中正自可忘憂不能上樹作巢
飲尚辦滿舡供拍浮神仙可學君豈信衣食裁足吾
何求但憶人如王粲輩相携一笑賦登樓

放翁先生劍南詩彙

卷五十九

宋集珍
本叢刊

遣舟迎子通因寄古風十四韻

今日坵汝書一讀眼為明知汝即日歸明當遣舟迎
想汝片帆東翩若飛鴻征薄暮過梅市呶謳雙艫聲
到家亦尚早城樓初發更草草一樽酒為汝手自傾
夜分不能寐頓忘衰病嬰豈惟病良已白頭黑絲生
暫別亦不惡益重父子情自今日相守北牕同短檠
六經燭爻伏百氏方縱橫世俗擯孤學未易口舌爭
此責在學者草萊勿自輕汝壯父未死相勉在力行

重寄子通

秋風日日望歸裝忽報來期喜欲狂衰病無因懣迎

汝夢隨殘月過浮梁

飯後偶題

環堵蕭然百慮忘天教得飯餒枯腸長橋鮓美桃花
嫩北苑茶新帶勝方漠漠寒花歌晚照翩翩孤蝶弄
秋光解衣捫腹西牕下賴有新詩破日長

秋興二首

流光冉冉迫崦嵫常抱秋風宋玉悲才盡已無楓落
向身存又見鴈來時自憐閉戶厖眉叟初對還家大
耳兒行子遠才自一盞青燈照寒影不妨細舉別來詩
世事元看等一毫紛紛寵辱陋兒曹鴈行橫野月初

放翁先生劍南詩彙

卷五十九

宋集珍
本叢刊

上桐葉滿庭霜未高細考蟲魚箋爾雅廣收草木續

離騷更餘一事君知否卧聽床頭滴小槽

舍北行飯

飯飽消搖信所之芙蓉塘蔬圃遍遊嬉梧楸凋落風高
後瓜瓠輪囷雨足時犬喜人歸迎野路鵲營巢穩占
低枝晚來嬾復呼童子自掩柴門上麥多

舍南野步

枯蔓絡荆籬幽花映荻扉馴麋驚不起歸鶴倦猶飛
野色連收網邊愁入擣衣壯圖空自笑事事與心違

感昔絕句五首

行年三十憶南遊，穩駕滄溟萬斛舟。常記早秋雷雨，
霽旄師指點說流求。

馬瘦行遲自一奇，溪山佳處看無遺。酒壚強挽人同
醉，散去何曾識是誰。

負琴腰劍成三友，出蜀歸吳歷百城。最是客途愁絕
處，巫山廟下聽猿聲。

岳陽三伏正炎蒸，爽氣淒風見未曾。白浪蹴天樓欲
動，當時恨不到黃陵。

行遍天涯只漫勞，歸來登覽興方豪。雲生神禹千年
穴，雪捲靈胥八月濤。

放翁先生劍南詩藁

卷五十九

三 宋集珍
本叢刊

病齒

似病非病臂已瘳，當墮未墮齒難留。一杯藜粥吾所
美，幸可自辦不待求。既無齧骨犯曲禮，亦免祝鯁煩
成周。形骸外物付悠悠，那將老境供閑愁。

揮手

揮手群玉府，說駕石帆山。偶與片雲出，却隨孤鶴還。
松風暮蕭瑟，石溜夜淙潺。阿敏讀書處，更添茆一間。

過鄰家

初寒偏著苦吟身，情話時時過近鄰。嘉穗連雲無水
旱，齊民轉壑自酸辛。室廬封鏞多逋戶，市邑蕭條少

醉人。甌未生塵，羹有糝。吾曹切勿怨常貧。

甲子秋八月丙辰，鷄初鳴時，夢劉韶美示
詩五字八篇，高古可愛。明旦作此詩志之。

韶美僊去三十年，一念及之常悵然。秋牕忽夢接顏
色，萬里老鶴歸遼天。贈詩溫其似玉瓊，我亦粗識關
雎亂。建安黃初不足言，筆端直覺無秦漢。

山居

客至何曾共劇談，行藏獨有老農諳。覓官肯信山居
樂，食淡方知飯味甘。一脉泉通澆藥圃，万重雲鎖釣
魚菴。好奇自笑心無厭，行遍江南憶劍南。

放翁先生劍南詩藁

卷五十九

四 宋集珍
本叢刊

歸老

兩脚走萬里，歸老樵風溪。雖遠京雒塵，窮巷還多泥。
蒙叢喪家狗，啞啞失旦鷄。幸非徙比景，何恨棲會稽。
今年更可笑，偃偻自灌畦。榮雖不滿眼，悔亦免噬齊。
萬事付一樽，師友阮與嵇。

送子坦赴鹽官縣市征

父子團樂笑語諱，豈知雲散各天涯。長亭結束秋將
晚，別酒淒涼日易斜。我坐老年艱，就養汝非仰。祿肯
離家遊山尚，有平生意試為開。尋一鹿車願中欲作
一小肩輿

輕吹堅實兩夫可
舉者以備山行

寄子坦

目斷西陵細霧中，津亭想汝繫孤蓬。煩憂昨暮雲吞日，俗以黑雲接落日為風雨之候猶幸今朝兩壓風。就食亦知難戀戀，掛帆終恨太匆匆。冥沙不是無來鴈，頻寄書歸問老翁。

書感

老荷寬恩許退耕，絲毫無報亦何情。民貧樂歲尚艱食，道喪異端方肆行。黨禍本從名輩出，弊端常向盛時生。古人骨冷青松下，誰起英魂與細評。

自扁門歸

放翁先生劍南詩藁 卷五十九 五 宋集珍本兼刊
橘袖纍纍未著霜，陂塘渺渺度秋光。長橋虹卧當官道，重閣鸞飛出女牆。煙際遠舟俄已隱，天邊驚鴈不成行。歸來有底誇兒輩，笑指奚奴古錦囊。

遣興

兔徑遊觀足，蝸廬卧起寬。垂名千古易，無媿寸心難。燈火娛清夜，風霜變早寒。一經家世事，吾興未應闌。

詩酒

詩酒平生樂，無如老病侵。才衰愁韻險，量退怯杯深。宿露滋金蕊，微霜點綠林。呼鷹五陵路，惆悵少年心。

晚秋野興二首

病骨支離不耐秋，今年九月即輕裘。細書燈下幸能讀，舊友夢中時與遊。連夕夢紹興同朝諸公官賦畢輸無吠犬，農功已息有閑牛。不知冠蓋朝天客，也得心安似我不。徹底無能徹骨貧，自憐虛作六朝民。學因病廢捐長日，志與年衰媿古人。露溼亂螢飛暗廡，霜清飢雀噪空囷。一生眼境常如此，草賦憑誰問大鈞。

舟中口占

養生妙理本平平，未可常談笑老生。業力頓消知學進，人情愈薄喜身輕。鶴雛日長丹砂頂，巖溜時聞玉珮聲。最是扁舟暮歸處，一川風月遠相迎。

放翁先生劍南詩藁 卷五十九 六 宋集珍本兼刊

閉門

閉門何所樂，聊息此生勞。霜薄殘蕪綠，風酣萬木號。研朱點周易，飲酒讀離騷。斷盡功名念，非關快剪刀。

暮秋絕句六首

多雨今秋水，渺然溝溪無處不通。舡山回忽得，煙村路始信桃源。是地僊

閑傾清聖濁賢酒，穩泛朝南暮北風。射的山前雲幾片，一秋不散伴漁翁。

百年大耋龍鍾日，九月初寒慘淡天。嶺谷高低明野火，村墟遠近起炊煙。

舍前舍後養魚塘，溪北溪南打稻場。喜事一雙黃蝶，
蝶隨人來往弄秋光。

九月山村已驟寒，看雲殊怯倚闌干。一杯濁酒栽培
睡不覺春雷起鼻端。

清秋又是一年新，滿眼丹楓映白蘋。海內故人書斷
絕，汀洲鷗鷺却心親。

農舍絕句四首

三農雖隙亦匆忙，穡事何曾一夕忘。欲曬胡麻愁屢
雨，未收蕎麥怯新霜。

神農之學未為非，日夜勤勞備歲饑。雨畏禾頭蒸耳

放翁先生劍南詩集

卷五十九

七

宋集珍
本叢刊

出潤憂麥粒化蛾飛

萬錢近縣買黃犢，撥糶行當東作時。堪笑江東王謝
輩，唾壺塵尾事兒嬉。

杜門雖與世相違，未許人嘲作計非。長綆雲邊牽犢
過，小舟月下載犁歸。

九月十日夜獨坐

蓬窗燈火耿疎籬，正是寒沙鴈到時。頭少二毛真篤
老，口無縱理亦長飢。朝聞夕死固當勉，勿學壯行嗟
已遲。小豎夜闌私怪我，儼然危坐若深思。

述意

憂患無窮生有涯，惟須百事屏紛華。人誰敢侮脩身
士，天不能窮力穡家。頻喚老僧同夜粥，問從隣叟試
秋茶。結茅林下從來事，瓦屋三間已大奢。
陸士衡凡弟共居瓦屋三

小疾自警

老來土弗強，舉箸輒作病。造物蓋警之，何啻三下令。
而我不自珍，若與疾豎競。豈惟味攝養，實亦闕忠敬。
顛踣乃自詒，何用死不瞑。自今師古訓，念念貴清靜。
羔豚昔所美，放斥如遠佞。淖糜者，岩泉香飯炊。瓦甑
采蔬擷藥苗，巾篔相照映。膨脹亦宜戒，僅飽勿憚刺。

放翁先生劍南詩集

卷五十九

八

宋集珍
本叢刊

隱書有至理，要使氣常勝。因之戒友朋，苦語君試聽。

白龍

九月癸酉暮白龍見西方，是時夕晴明日落天正蒼。
玉宇無纖雲，凌空獨高翔。蜿蜒久乃隱，父老歎未嘗。
清臺占五行，此事實殊常。我非劉子政，聊記以短章。

學易二首

卒歲勿多求，壺飧與褐裘。心安由自足，身貴為無求。
曷化千年鶴，難馴萬里鷗。閉門方學易，未暇揖浮丘。
愚古忘衰疾，齊心洗昨非。拳拳奉天理，坦坦息心機。
改過先幽隱，收功在細微。耄期猶自警，俯仰惜餘晖。

閑中作

呼僮按摩罷倚壁欠伸餘棋局可忘老鳥聲能起子
掃蒼憐胃蝶投餌出潛魚向晚明窓下還來讀舊書

枕上

噫噫初聽鴈南征嗶嗶俄聞鷄一鳴夢境往來雙隻
埃官途興廢短長繁何由生計裁能及不願人間過
取名飯輒茶甘吾事了但愁無酒酌公榮

家貧不能
釀酒而官
飲少多

出遊五首

一樽隨處可開顏此事深疑造物慳地可登臨多恨

放翁先生劍南詩藁

卷五十九

九

宋集珍
本叢刊

遠身常強健又須閑山園小市煙初歛霜著橫林葉

半殼從倚欄干君勿厭日斜猶及權舟還

漁村酒市本無期小寨扁舟信所之丹葉滿林霜落

後紫葢黏魂水枯時山林閑寂歸雖早齒髮衰殘病

已遲努力及時謀自適錦囊多貯暮秋詩

山有籃輿步有舟放翁身健得閑遊羊牛點點日將

夕蒲柳蕭蕭天正秋細徑僧歸雲外寺疎燈人語酒

家樓歸途更愛湖橋月獨倚闌干為小留

霜氣蕭條木葉黃佳時病起意差強雲煙古寺聞僧

林燈火長橋見戲場一枕清風幽夢斷數匙旅飯野

疎香道邊莫笑衰殘甚獨往山林興未央

禹步胥濤路中分書撓衝破一川雲柯橋僧閣凌空

起梅市漁歌帶月聞蟹束寒浦大盈尺鱸穿細柳重

兼斤酒家報我新醅熟且撥閑愁寄一欣

家居三首

清世念遺民常情重老人饋漿煩郡府分胙媿鄉款

穫稻黃雲卷春粳玉粒新臍臍自摩腹一笑欲忘貧

老眊詩名減登臨笑口開釀泉為酒熟情鶴附書回

紗帽方簪菊鉞枝又探梅清狂君勿笑曾見薄蓬萊

蒲葦村深地風霜歲晚天溪柴勝熾炭

小東柴自若耶
溪出名溪柴

放翁先生劍南詩藁

卷五十九

十

宋集珍
本叢刊

黎布敵純綿亦有道黎布有客問奇字無人嘲畫眼

誰言此翁老懷抱尚超然

贈隱者二首

疇昔從君處玄都太古壇月高幡影直霜重佩聲寒

鶴駕三山近壺天萬里寬相逢初未省但認切雲冠

力量超終古光明破積昏獨行寧有待妙用本忘言

神定嬰兒戲丹靈矚子奔緒餘應不靳小出濟元元

貧中自戲

種枳為籬草結廬人間知足更誰如澗深松老忘榮

謝天關雲閑任卷舒門冷併無殘客跡家貧常讀絕